



# Járngerður

Fréttabréf Grindavíkurbæjar

3.tbl. 4.árg. desember 2003

## Meðal efnis

## Fjárhagsáætlun 2004

## Íþróttir

## Samstarfsnefnd BLÁA LÓNSINS OG Grindavíkurbæjar

[www.grindavik.is](http://www.grindavik.is)

## Slökkvilið Grindavíkur

## 110. fundur

Fréttabréf Grindavíkurbæjar  
Ritstjóri: Kjartan Kristjánsson  
Ábyrgðarmaður: Ólafur Órn Ólafsson



## Gleðileg jól !!

Bæjarstjórn Grindavíkur og starfsfólk Grindavíkurbæjar sendir öllum Grindvíkingum bestu óskir um gleðileg jól og farsæld á nýju ári.

Bærinn okkar er að taka á sig jólasvip með miklum skreytingum bæði á heimahúsum og í bænum sjálfbum. Kveikt var á jólatrénu fimmtudaginn 11. desember s.l. og var mikill mannfjöldi samankominn til að taka þátt í hátíðahöldunum.

Breyting verður að þessu sinni á fyrirkomulagi 13. ánda gleði en fyrirhugað er að hefja hátiðina með brennu út í Bót og fara síðan fylktu liði að Saltfisksetrinu þar sem hátiðin mun halda áfram. Jólasveinarnir koma og kveðja okkur og hver veit nema Grýla og Leppalúði bætast í hópinn. Við hvetjum alla til að klæðast búningum og taka þátt í hátiðinni.



## Fjárhagsáætlun 2004.

Bæjarstjórn Grindavíkur samþykkti á fundi sínum miðvikudaginn 10 des. s.l. fjárhagsáætlun fyrir árið 2004. Fjárhagsáætlunin samanstendur af A-hluta stofnunum sem fjármagnaðar eru að mestu eða öllu leyti af skatttekjum en það eru aðalsjóður, eignasjóður og þjónustumiðstöð. Auk þess B-hluta stofnunum sem fjármagnaðar eru með þjónustutekjum og eru í meirihlutaeigu Grindavíkurbæjar en það eru hafnarsjóður, fráveita, vatnsveita, félagslegar íbúðir, Víðahlíð-dvalarheimili aldraðra, Rekstrarfélag Grindavíkurbæjar ehf og Víkurbraut 58 ehf.

Helstu stærðir hjá samstæðunni eru þessar: Skatttekjur eru 560 milljónir kr. en heildartekjur eru 843,6 milljónir kr. Rekstrarniðurstaða fyrir fjármagnsliði og afskriftir er hagnaður að fjárhæð 148,4 milljónir kr. Fjármagnsliðir eru neikvæðir um tæpar 15 milljónir kr. og afskriftir eru 101,7 milljónir kr. Rekstrarniðurstaða samstæðunnar er því 31,7 milljónir og þar af er áætlaður söluhagnaður eigna tæpar 16 milljónir.

Veltufé frá rekstri er 122,5 milljónir og er það 14,51% af tekjum. Fjárfesting í varanlegum rekstrarfjármunum er 162,1 milljón sem skiptist þannig: eignasjóður 62 milljónir, fráveita 10,5 milljónir, hafnarsjóður 84,8 milljónir og vatnsveita 4,8 milljónir. Tekin ný langtímalán eru 70 milljónir króna. Afborganir langtímalána eru á árinu 2004 129,3 milljónir. Þannig að greiða á niður skuldir um 60 milljónir króna.

Skuldir og skuldbindingar samstæðunnar eru áætlaðar í árslok 2004 1,26 milljarðar kr, þar af eru langtímalán 894,9 milljónir og næsta árs afborganir langtímalána 126,2 milljónir. Handbært fé í árslok 2004 er áætlað 8,8 milljónir.

## Nýtt met í körfuboltanum

Grindavíkingar eru taplausir eftir 10 leiki í röð og er það nýtt met í Intersport-deildinni. Undir góðri stjórn Friðriks Inga Rúnarssonar hefur lið Grindavíkur ekki tapað leik í úrvaldsdeildinni frá byrjun og er Grindavík á toppi deildarinnar með fullt hús stiga. Meistaraflokki kvenna hefur ekki gengið eins vel en við hvetjum þær áfram í baráttunni. ÍG hefur átt á brattan að sækja en þeir eru við miðbik deildarinnar með 3 unna leiki.

## Samstarfsnefnd Bláa Lónsins og Grindavíkurbæjar

Í byrjun síðasta árs var sett á stofn samstarfsnefnd milli Bláa Lónsins og Grindavíkurbæjar til að koma með tillögur að betra aðgengi fyrir ferðamenn. Fundir hafa verið margir á árinu og liggar nú fyrir tillaga um að leggja göngustíg frá Lóninu að Baðsvöllum sem tengir Lónið við allar helstu gönguleiðir í Grindavík.

## WWW.GRINDAVIK.IS

Ný heimasíða Grindavíkurbæjar var tekin í notkun í vikunni. Með nýrrri heimasíðu er vonast til að þjónusta verði betri við notendur jafnt sem stjórnendur bæjarins.



„Grindavík ... góður bær“

Nú geta forstöðumenn uppfært sjálfir sínar síður og sent út fréttir og tilkynningar. Fundargerðir fara núna beint inn á netið í stað þess að ferðamálafulltrúi þurfi að setja þær inn á viðkomandi síður. Verið er að vinna að uppfærslu á ferðasíðu og þýða yfir á ensku hluta af heimasíðu bæjarins. Allar vísbindingar um hvernig við getum bætt síðuna eru vel þegnar. Hægt er að senda fyrirspurnir og tillögur beint á vefstjóra, kjartan@saltfisksetur.is.

### Æfing hjá Slökkviliðinu

Viðvörunarbjallan í Grunnskóla Grindavíkur gall í morgunsárið miðvikudaginn 9. desember en um var að ræða slökkviliðsæfingu á vegum Slökkviliðs Grindavíkur. Viðbrögð og skipulag hjá kennurum og krökkum var í alla staði til fyrirmynadar.



### Fundur um ferðamál

í byrjun janúar verður fundur um ferðamál í Saltfisksetrinu. Farið verður yfir helstu þætti sem lögð verður áhersla á á komandi ári. Árið 2003 verður gert upp og rætt um hvað við getum gert betur til að fá fleiri ferðamenn til okkar. Fundurinn verður auglýstur í byrjun janúar.

### Ný líkamsræktarstöð í Grindavík

Helgi Jónas Guðfinnsson mun opna nýja líkamsræktarstöð í byrjun janúar. Stöðin ber nafnið Helga-sport og er með aðsetur í Hafnargötu 28, efri hæð. Núverandi þreksal í sundlaug Grindavíkur verður því lokað frá og með 1 janúar n.k. Helga-sport hefur ákveðið að þeir sem eiga þrekkort hjá sundlauginni geti notað það í einn mánuð á nýja staðnum strax eftir opnun hans, eða sem sundkort í sundlaug Grindavíkur.





„Grindavík ... góður bær“

## **Helstu framkvæmdir í bænum á næsta ári.**

Hafist verður handa við dýpkun hafnarinnar á næsta ári en dýpka á um 6,200 m<sup>2</sup> svæði í innri höfninni. Jafnframt á að byrja endurbyggingu á Svíragarði. Kostnaður við verkið á næsta ári er áætlaður um 222 milljónir, þar af er kostnaður Grindavíkur um 80 milljónir króna. Áætluð verklok eru á árinu 2005 með dýpkun en 2006 með endurbyggingu á Svíragarði.

Unnið verður áfram að deiliskipulagi og eru helstu verkefnin skipulag svæðis norðan stjórnsýsluhúss ásamt skipulagi á íþróttasvæðinu, auk annarra smærri deiliskipulagsverkefna. Deiliskipulagi við Víðihlíð er lokið og næsta skref er að vinna að gatnagerð á því svæði. Auk þess er fyrirhugaður frágangur gatna, gangstéttu og stíga víða um bæinn.

Í athugun er að flytja tónlistaskóla og bæjarbókasafn í húsnæði grunnskólans og selja það húsnæði sem þessar stofnanir eru í núna.

